



3537
29
ル 5



1894
1894
1894

特

門 5
號 3537
卷 29

重修揚州府志卷之四十八

人物志三

國朝

王永吉字修之高郵人明天啟五年進士授福建大田
縣累遷戶部郎以才望備兵通州州多木俠亡命憑內
璫為不法永吉嚴治不少貸崇禎末巡撫東省尋遷薊
遼總督

大兵定燕徵永吉授大理卿陞工部侍郎以辭職違例罷
歸尋復為戶部左侍郎上十三疏

允行晉兵部尚書轉左都御史

祕

子江規畫大政十七



以公事左遷為倉場侍郎上疏十九僉報

可復進為大學士加太子太保兼領吏部尚書上銓政二十餘

疏多著為令以科場事自劾左遷太常少卿擢左副都

御史卒於官 贈少保諡文通

康熙志

沈奕琛字石友高郵人明崇禎九年舉人順治中授直

隸唐山縣唐有磽地三千頃水沙壅淤不能斂獲民苦

虛糧賠累奕琛力請除之又屯田八百餘頃雜民間屯

地多熟縣地多荒縣有差役而屯則無奕琛請併屯歸

縣遂得其平報最擢戶部廣西司主事陞郎中分司天

津樞關北新出守衛輝府旋晉興屯副使因公左遷補

粵東鹽課司提舉豁積逋數十萬遷衢州同知時閩變

起奕琛佐制府畫計守禦轉給芻糧無浮費無匱支陞

廣平府郡處漳滏沼沙之轄每水溢輒浸城垣奕琛築

遙隄數千丈禦之卒於官子八人弼高州府知府

高郵州志

宮偉鏐字紫懸泰州人明崇禎十六年進士授檢討以

薦舉起用援終養例乞休築春雨草堂以著書為事著

有春雨堂集五十卷泰州續志亦所手輯

雍正志

崔之四字季公泰州富安場人家素饒崇禎初年兄之

一之二以家難死讐人手讐人為同祖兄弟將並謀之

四以杜患時之四年甫十三乃陽為憨騃使讐人弗疑

一日得間逸去號控當路卒抵讐於法

國初以例貢授中書從征滇南有功補安普兵巡道救還掠繫婦女萬餘人咸資以路費又宣諭尚苗率化一載之內邊境廓清卒於官馳驛歸葬廕一子

秦州志

戴廷徽字山子江都人占籍萊州由順治二年恩貢授福建汀州司獄

大兵定閩以才能補寧德縣禁軍士搶掠凡被執婦女悉

勒還招撫賑恤葺城垣興學校士民樂業有報德者密於米炭中裹金以餽力却之調建陽會建陽失守波及之民爲罷市愬臺省再補粵東吳川縣母老乞養歸卽不復仕以已產所入分贍宗族姻黨卒崇祀鄉賢寧建兩邑俱祀名宦閱六十年子夢麟主福建鄉試寧人觀嘆道旁猶有焚香獻酒醴者

江都縣志

張幼學字詞臣泰州人順治三年舉人授浙江鄞縣時軍事旁午需餉孔亟又值造戰艦幼學處之裕如凡有徵輸聽民齎鏹自投侵漁頓絕治邑八載遷大興去時攀畱盈道尋卒鄞之人爲位而哭崇祀名宦

秦州志

陳卓字懋修江都人順治四年進士由刑部郎遷四川提學僉事時蜀新定諸生文業荒廢卓出所攜經籍令諸生傳寫轉相教授由是文風日振按試休寧值賊對

文秀粹至卓乘城分守拒卻之敘功擢陝西臨鞏道副使覈驛傳侵漁之弊復官商分茶之法辨部民受逆徇偽劄者民咸德之擢湖廣叅政告歸卒祀鄉賢

康熙志

車從軾字五車江都人以明經授太平縣訓導郡值兵變御史毛九華委從軾守陴禦敵動中機要兵燹之後修學宮樂器及補輯尊經閣藏書從軾皆預有力焉

雍正志

朱克簡字澹子寶應人順治四年進士授中書八年典試廣東時嶺南初入版圖鎮兵不戢孝廉多詣克簡泣言其精克簡怒責諸鎮稽查諸被掠者還之十二年考

授御史巡按八閩時山賊焚掠攻陷城池則請仙霞增兵禁沿海接濟築漳浦十邑之城撥遊擊分防楓亭等處上防海八議在軍中數旬擒獲海賊輒立決其中有非盡爲賊者驗其髮不過五寸仍編爲民免誅戮者萬餘人至汀州聞海寇數萬環攻福州統汀鎮兵兼程進賊稍退尋偵知援兵無多復圍攻克簡與巡撫宜永貴屢戰克捷城得全至漳州左布政以軍餉匱乏詳請定遠將軍追徵十一十二兩年錢糧克簡力阻之至福清以閩安鎮爲要地設重兵守之連江羅源福清長樂分汛派兵爲指臂應至福寧多置屯兵爲城守至興化楓

亭驛嚴禁勒充夫役與太守張彥珩議賑捐俸以倡活者萬二千人至泉州以崇武獺戶為泉之門戶安海大盈為泉之藩籬分設汛兵與同安聯絡至邵武裁省夫役至延平知延船梢工多為山賊線索令沿江府縣設循環簿稽查至建寧與諸生講明朱子聖學汀州延平建寧三郡山川相連賊踞險肆劫克簡與地方道府李元萃涂應泰等離其黨援搗其巢穴魏福賢敗亡黃素禾陳德容周立次第歸誠前後上疏如禁株連蠲鹽課陳驛困革帶辦等無不道民疾苦預為保護又立六規二十四維八恤七清七革十三餘以及鹽政屯政諸規條皆有裨實政云秩滿歸築環溪草堂奉二親徜徉其中年七十八卒子二約副榜知江西南豐縣經歲貢生

王熙撰墓誌

仁廟南巡即家晉大理寺少卿

香山洛社額以寵異之子錦鑰孫夢昂同聲皆先後登科

第 雍正志

陳忠靖字爾位泰州人順治四年進士由中書擢刑科

重刊少府志 卷之四十八
給事中首陳早舉

經筵速差恤刑二疏皆報可時揚郡下河疊罹水患賦額不供部議擬分年帶徵忠靖疏言臣鄉頻年饑饉雖帶徵無益惟懇全蠲以廣恩卹辭甚剴切得荷

俞允後左遷歸里卒

泰州志

孫宗彝字孝則高郵人順治四年進士授中書會上疏明職業歸職掌遣官催辦詔勅擢吏部考功司主事轉員外郎十一年典試河南將行有託以書致無軍者倉猝置篋中榜發出書則上署已銜內以三千金券爲某請時某已中式急召至曰汝能文奈何爲此吾暗中摸索耳豈受賄耶立焚其券尋補郎中遷薊州分巡道副使告歸郵俗徭役爲民患者有六曰優免曰馬差曰田差曰房差曰現催曰丁差彝力請當事捐除著爲令時疊罹水災躬先申訴設渡造廬以活飢民嘗論河工要害宜開海口閉周橋翟壩聚清刷黃皆親歷考核後以訟被逮削籍卒年七十二士民皆哭奔其喪著有易宗十二卷採入四庫全書又有愛日堂詩文等集

高郵州志

石瑋字雯豐興化人順治四年進士任漳州府推官有德政漳人稱爲石佛時海氛未靖洋艘環伺境上瑋竭力守禦得無恙既補東昌不數月遷兵部郎擢守順德

重修... 卷之四十一
未抵任卒於京邸

康熙志

孫自成字物皆江都人順治四年進士授福建歸化縣時閩廣初平旁邑多為賊壘自成莅任甫數月招徠七十餘若民得休息事耕桑歸里遇桑梓利弊秉公直言所著賦役管窺一帙言江都田賦最切要

雍正志

縣志

江都

卞穎江都人順治五年舉人官山東諸城縣民有逋錢不能輸官者穎代輸服官五載歸囊橐蕭然

江都縣志

俞鈺字天水泰州人順治五年舉人任延安府推官未幾丁內艱服闋補廣西太平府推官甫下車平反大獄安輯苗民全活千人誅鋤強暴政績具載省志祀名宦

泰州志

康熙二十八年崇祀鄉賢
盛治字允康江都人順治六年聯捷進士授湖北通城縣亂後多流亡治善招徠卓異陞工部主事督理惠河河決運道塞治築之踰年工成晉河南兵備副使以疾

歸

江都縣志

重修易州府志

卷之四十八 人物三

七

徐烜字符禺興化人順治六年進士時兩廣初入版圖
遴才能官撫綏烜甫釋褐卽授廣東督糧參議時

**大兵集粵東烜備糗糧供芻茭大著勞績遷陝西叅政立
州縣更番轉運之法士馬藉以飽騰官民胥便晉山東
按察使獄囚多誣枉滯數十年不能理烜訊出之咸懽
躍慶更生臬司堂前有松柏久枯至是復榮父老傳爲
烜祥刑之驗云轉山西右布政遷貴州左布政復補廣
東以丁艱歸卒於家**興化縣志
趙應翰字述陽興化人順治六年進士從

**大兵征粵西授分守道屢擢霸州叅政往例閱兵各斂錢
爲使者費而供億仍責之州縣應翰至一切革除軍民
安堵值計典甄別賢否無瞻徇以勤勞致疾乞休歸里**

雍正志

鄭爲旭字方旦本歙人世居江都順治八年拔貢授中
書遷工部主事擢御史巡視東北兩城掌京畿道多所
建白如選官須加驗看視學應遣詞臣申講讀律令之
條以厚風俗分進士舉貢援例班次以疏銓政臬司遇
命案不得率結罪人發遣減等者卽中途遇赦并在部
未結諸人皆應照例寬恤等疏俱次第舉行卒祀鄉賢

江都縣志

刁神字仲愷寶應人順治八年武舉康熙七年邑罹水災漕糧無出時有應給挑河夫價銀三千兩久匿河庫神請頒發代民完漕餘銀散給災民又鳳屬前明守陵兵米裁撤後分作運軍月糧一半兵餉一半民間起解賠累神請以廬鳳之米改兌運軍月糧淮揚之米改兌兵餉使近鳳者解鳳近淮者解淮兵民兩便奏蒙

俞允又以民間疾苦十條上於巡撫慕天顏一寶邑運河八十

里每逢大挑例應通泰二州如皋儀真泰興三縣協濟人夫一半今春挑夫五千名該州縣應出二千五百名俱不應請照追夫價賑濟飢民一驛站討馬逾額苛索草料數倍請勒石嚴飭一寶邑水荒十載祇有熟田一百二十六頃多賣與淮安鄉紳掾房差官等今鄉紳錢糧每兩加三奉行免差掾房人等並未加糧亦倚勢勒免應禁一典當南北大例俱三十月限滿月利視當貴為增減獨寶邑三典限只十六月利槩三分應禁一馬夫走報從城內穿走稍有妨礙則以遲誤軍機為名擾害小民應改由城外一差馬草料原有送草人戶案月支領錢糧今有指官為名者十數家包攬官草災民草田一畝罄空應禁一市河淤塞日久應募挑濬一白馬廣洋等湖近日高鹽匪棍帶領網叉船隻多至百餘人

以捕魚爲名占奪官湖糧田應禁一丹徒地棍勾合兵
役結黨開行高興寶泰販蠟往蘇者抑價勒買過壩腳
價每擔不過一分伊等索取六七分應禁一各房額設
司吏典吏一吏二書近每一吏輒五六書多係重役冒
充下至阜快諸役皆然應裁革巡撫下其議於縣皆允
行其他請築子嬰溝隄減軍務沙船免民修唬神船地
方皆賴之

行義錄

郭礎字石公江都人順治九年進士授戶部主事歷知
順德府府東北有古大陸歲漲爲田廬害礎至先挑牛
尾河三百餘丈漸濬大郝黃楊諸口自是夏無橫溢其
積水可灌田數萬頃邢臺南和各屬邑皆賴之又修學
宮備祭器時與諸生論文課藝士民咸誦之

江都縣志

楊演字次義興化人順治九年進士授湖南邵陽縣值
兵燹之後供億浩繁民生困敝演至均撥夫徭官養驛
馬設循環冊以稽出入歲省民費數萬及卒於官敝簾
中惟圖書數卷而已

雍正志

俞鐸字天木泰州人順治九年進士改庶吉士逾年授
御史時值秋讞上疏停刑巡按宣大疏罷監司之不職
者又念淮揚數苦水患凡修隄勘災官每以供應擾民
請單騎減從永著爲令疏入報可轉口北道參議以估

計獨石城工染疾卒於官

秦州志

沈喬生字國望秦州人順治十一年拔貢授中書歷處州同知保定知府擢陝西副使撫治肅州營辦軍需清勤自勵以積勞成疾乞休歸蕭然一身至不能給衣食有州收某稔其名屏驕從造廬訪之時屆嚴冬喬生棲敗屋中裹緇袍曝日牧愕然曰固知公清貧誠不意一寒至此喬生笑謝而已終無所干請焉

秦州志

郭士璟字眉樞先世由涇陽遷江都中順治十二年進士官常州府教授常士以逋賦株連被黜甚衆士璟按名清查得實爲免數百人遷助教晉工部主事督權九江潔己恤商廉惠並著差竣乞歸以餘俸分給兄弟及族人貧乏者晚年著有雜體詩文十七卷子元鉅元鈺

雍正志

高凌雲字尺木江都人順治十五年進士授嚴州府推官折獄平恕人稱長者旋告歸與後進講舉子業凌雲爲諸生時家貧甚假館授徒迨登仕版食貧如故人益賢之子天驥康熙二十年舉人知浙江山陰縣

江都縣志

金懷玉字式如江都人順治十五年進士授泉州府推

官時海氛未靖沿海州邑數十里外築牆爲界有踰牆出者以通海論懷玉至錄釋繫獄千餘人白上官曰此

小民資漁利為活者係無他也未幾弛禁人咸服其得政體遷瑞州府同知卒

雍正志

吳元萊字北海興化人明大學士牲子由中書歷部郎累擢直隸巡道以清廉著名吏民愛戴歸里後有裨於桑梓者力任其事邑遭水患多逋賦民苦敲扑舊有畱抵糧餉為墨吏侵蝕元萊毅然發其狀幾為所中弗恤也里人德之卒祀鄉賢弟翔鳳博學能詩

雍正志

鄭為光字晦中本歙人世居江都父俠如明季官工部司務為光登順治十六年進士改庶吉士授監察御史巡視中城禁豪強出冤獄以州縣賦稅叢弊請設循環簿稽之剔揚州關鈔積弊及請科舉廣額收推陞實效

節鳳米浮費諸疏卒於官祀鄉賢

江都縣志

陳志紀字雁羣泰州人父凝祉由鄉舉歷任湖廣糧驛道志紀中順治十六年進士改庶吉士十八年分校會試散館授編修康熙元年京畿旱會有

詔求言志

紀獨以翰林具疏劾天下督撫貪婪不法狀卒為忌

者所中謫戍寧古塔貧不能自存乃習醫拯人以給養

養卒於戍所

秦州志

陳以恂字長恭興化人順治十八年進士授山西平遙縣有富室兄弟爭財構訟恂單騎至其家諭以至情兄

弟皆感泣改過所轄洪善驛額索民車供差後改折銀
民大受困恂乃詳革又助勦山賊支應大軍竭盡心力
不以累民以疾告歸著有周易心學篇春秋三傳合註
檀弓解略宋元明三朝史鈔共八十餘卷

康熙志

王有容字遠度寶應人少侍東林高顧諸正人力學砥
行久之不遇曆歲薦康熙二年選江西泰和縣時年七
十有八子凝鼎等阻其行有容曰余年雖老志存利物
今得作親民官敢以老辭耶遂赴任至新建吳城鎮人
役來迎供億一無所受抵治時值暮微雨索燈及蓋不
得取舟中所攜者用之宿齋日爲文告神有云古人不
能學而願學惟矢志之在余廉吏不可爲而必爲幸神
明之掖我治泰和一年却耗羨薄徭役修葺學宮及楊
文貞羅文莊王文端祠卒之日民爲罷市長子凝鼎以
歲貢官訓導孫式旦式丹式丹中康熙四十二年進士
第一人式旦子懋竑翰林院編修崇祀鄉賢

雍正志暨寶應縣志

家傳

賈其音字叶六高郵人康熙二年與兄良璧同舉於鄉
六年成進士初任陝西咸寧縣當吳逆蹂川咸寧爲屯
聚地

大兵征勦供億旁午又初裁司李重案悉由縣官爰書判

重刊揚州府志 卷之四十一
三
牒煩如蝟毛其音手自擘畫調浙江麗水治一如初二
十六年鄉試分校夜宿公館有人從神龕中出袖小帖
云當道所遣其音厲聲叱之龕中人惶恐去已而榜頭
出其房歸後卜築城東著有雨香亭百四樓倦還堂諸

詩集

高郵
州志

張瑾字去瑕江都人少掠於兵展轉至王參軍敘賓墓
下久之始歸中康熙二年鄉試謁選知雲南昆明縣時
軍興輟耕徭賦累重瑾爲招流亡給牛種三年墾田萬
餘畝舊例里民於縣署供帳外日助公費十金瑾悉除
之昆明池受萬山之水夏秋暴漲挾沙石怒流入昆明
牯河由金沙江達海砂石既壅水乃溢侵濱海諸田歲
用民力濬之晉寧州界於昆明受東南諸箐之水舊迹
有河道入江上官議鑿之以通牯河瑾詣台司力陳共
不便狀議乃寢縣有止善村登利城諸里其田窪突錯
出苦雨苦旱瑾廉知白沙馬裏清水三河可以時旱潦
故道久湮乃親操版插躬行勞來三月而河復田遂得
熟大小東門外舊皆市墟於兵爲盜賊穴瑾創造室廬
以居流亡移騾馬羊市實其中盜亦絕阜園者逆藩之
囿也土曠而不耕瑾爲請於台司耕之以食孤寡廢疾
兩大府將出觀兵撫軍以街狹不容兩輿令知府毀雲

津橋南北市屋民大譁瑾令止之詣撫軍曰六千軍耀武而同出一門自迫於隘是巷戰之兵也不如制府以一軍出南門大府以一軍出小東門其旗鼓一軍腹出之會於鷺房觀者不測可耀十萬軍容也撫軍悅屋得不毀善聽訟他郡疑獄上官悉下瑾理之以勞卒於官士民奔哭者數千人皆圖其形祀之滇人最重名宦入祠自莊臯司馬相如諸葛武侯以下皆可指數至是請祠祠之日諸司與祭范制府承勳哭而奠之及喪歸空城泣送

家傳 雍正志云祀江都鄉賢子元幹歲貢生望江教諭孫祖雲康熙五十九年舉人

宗書字義六興化人康熙三年進士授四川巫山縣徙

鎮原民刁吏猾糧賦多不均書為計畝定稅著於冊積弊豁然十九年平慶盜起書檄鄉兵得數百人練為守戰具與副將柳生甲擒獲耿飛等鎮民德之著有蜀道

吟覆瓿集

興化縣志

喬萊字石林寶應人可聘子康熙六年進士授中書舉博學宏詞改編修與修明史累遷侍讀我

朝漕運沿明舊制自淮入河以達會通黃河既失故道從安東入海清口日淤淮泗泛濫由洪澤以南諸河下注治河使者又開減水壩泄之淮揚州縣稿事俱廢臺臣奏濬海口以瀉積水

仁廟遣使者相視還報

特命于成龍董其役總督河務都御史靳文襄公輔上言海口
高於雲梯關五尺疏海口則引潮內侵大不便因請築
隄東水使高置二廂於邵伯鎮南高郵州城外泄洪澤
盱眙天長之水俾入隄自車邏鎮築橫隄一抵高郵自
州城東築大隄二厯興化白駒場至海口東所泄之水
入海計需銀二百七十八萬有奇請先給帑而徐取償
於田畝子粒綱鹽又請設官二百七十餘員疏入下廷
臣議多是河臣言萊持議河臣之言有四不可行海口
原有故道第令塞者通之淺者濬之俾停蓄之水悉趨
於海斯已耳河臣議開大河築長隄隄在內地者高丈
六尺河寬百五十丈近海者隄高一丈河寬百八十丈
勢必壞隴畝毀村落掘墟墓慘有不忍言者不可行一
河臣之議先築圍埂用車踏去埂內之水取土築隄不
知臣鄉地卑原無乾土况積潦已久一旦取土積水中
投諸深淵工安得成成亦易壞不可行二河臣欲以丈
六之隄東水一丈是隄高於民間廬舍多矣伏秋風雨
驟至勢必潰潰而南則邵伯以南皆爲魚鼈潰而北則
高郵以北靡有子遺卽當未潰之時瀦水於屋廬之上
豈有安枕而卧者乎不可行三至於七州縣之田向沒

於水今東河使高田中之水豈能倒流入河不能入於河卽不能歸於海淹沒之田何日復出不可行四

上是之河臣之議乃寢未幾中蜚語罷歸著易俟二十卷縣志

二十卷詩文集若干卷子四崇烈崇讓崇修崇禧朱彝尊撰

表

張問達字天民江都諸生明末史可法守揚州高傑以鎮將欲屯兵城內問達詣軍門力陳傑兇悍擾民狀可法怒其阻撓將按以軍法有龔克初者從旁大呼曰此壯士不可殺可法遂召入論時事改容禮之康熙五年舉順天鄉試適有奏撤揚州兩東門城垣者部議問揚人問達堅持不可乃止尋署休寧教諭遷知山西趙城

縣罷歸江都縣志

宮夢仁字宗袞泰州人偉鏐子十歲善屬文長益博極羣書康熙九年會試第一改庶吉士授御史疏十數上尤諳河務因淮黃泛溢急請疏理海口且繪圖入告出為河南督糧參議補湖北驛鹽參議晉山東提學副使皆清勤有德政累遷右副都御史巡撫福建察臺灣之勒派稽通省之盈虛禁人命之株連嚴兵餉之扣剋俱有功於閩疆逾年罷歸卒於家弟鴻麗四十五年進士官編修孫離五十四年進士官中書泰州志

重刊... 卷之四十一
金相玉字水蒼高郵人康熙九年進士授直隸新安縣
邑有巨盜王磐恣爲橫虐前令畏其猾黠不敢問相玉
下車卽按捕寘於法治內故有蘆葦水利久爲豪強侵
占相玉理於上官力爭之盡復其舊聞高士杜紫峯名
折節禮之爲邑人矜式未幾卒於官士民斂賻紀其喪
祀之名宦相玉好讀書自爲諸生至仕進手不釋卷著
有地官十卷策略全書尙書說約史漢纂禮記春秋纂

秋齋詩文集若干卷

高郵州志

陳瑄字仲宣高郵人康熙九年進士授四川遵義縣丁
內艱服除補浙江昌化縣行取刑部主事監督通州大
西倉倉故多猾吏善以利惑上官恣意侵漁瑄至定斛
面革科派簿籍清明無毫髮私擢戶部郎中歷官二十
年橐無私積卒於官

雍正志

郭昂字子抑寶應人康熙九年進士少孤家貧母嘗欲
食肉糜營錢不得會入塾主家出肉糜大慟主家知之
日致佳味以慰昂逮貴恒數報之初授山西孟縣立程
嬰公孫杵曰祠平反數大獄呈吏議起復選山東齊河
縣縣歲徵米麥上倉例用民解民苦之昂詳請官解審
釋窩逃案內連坐百餘人陞廣東連州瀕海依山數被
搖賊會陳奉作亂昂白上官假兵二千駐大江灘上聲

言勦賊實不動累數月偵知奉謀士關浩乾者駐小寨於賊之右甄以他事與奉忤密招至敬禮之約爲內應遂擒戮奉等三十餘人脅從者省釋并散還被虜男女百餘人以疾致仕民爲建生祠年七十六卒著有倦還堂詩鈔識小集三十卷

家傳

朱約字原博寶應人康熙十一年副貢始仕福建福安縣縣屢經兵火地廣田荒先年虛報田至是催徵約知民多隱占仿朱子審田遺法先令民自報田數丈量多逾額勸民自首免罪有吳某者姓名誤入逆籍中約爲辨其寃得免改補江西南豐縣修葺謝程山講學遺址

又補山東費縣勸民墾荒修顏魯公祠擒治蒙山賊二百餘名在任七年各鄉立德政碑三十餘所等陞直隸晉州以病告歸著有易經引事環溪詩集

墓誌

李楠字木庵興化人清之子康熙十二年進士由檢討歷官工部侍郎督學兩浙在道聞母喪歸服闋轉戶部擢左都御史疏凡數十上其言河工如挑新河以疏清口聯木筏沈鐵釜以殺水勢塞顏家莊決口使黃流循行北岸毀雲梯關北壩使下水暢流入海又宜乘時深濬河底不致隄勢日高民居益下等語先後皆報

可其他如論督撫覆奏不當詆毀言官巡撫察吏安民當許出

境諏訪藩司宜停陞本省巡撫以杜虧空兵餉就近支
放以便兵民撥糧儲海運以急拯東省飢民遴刑部司
屬以慎重人命大案俱有關國計民生之大者秉憲五
年以原官致仕卒於家

賜祭葬

如例著有大遠堂奏議文集藥圃詩集律例集解若干

卷子炳石二十六年舉人官曲靖同知

雍正志

張琴字桐峰泰州人康熙十二年進士授中書少遭父

喪適輪充河所里長河所花戶以船爲家漂泊無定凡

額徵麻膠皮羽菱蒲之屬皆責成里長自解部寺奏銷

琴由是家業蕩然日則辦役夜則讀書入庠後復輪里

長因走白臺使陳困苦狀得題請改折彙入地丁款內

官解自是河所六里永除積困嘗著淮黃交會開濬海

口諸議及麻法兵刑樂律漕運鹽法馬政屯田諸篇當

事多採擇其言

秦州志

黃升字子允興化人康熙十五年進士授直隸大城縣

下車日邑旱荒升請蠲賑時盜賊方熾設立鄉勇仿古

兵農相濟意以備之縣多水患升力爲開濬患悉除以

病歸著有綠綺堂集

興化縣志

許承宣字力臣江都人康熙十五年進士改庶吉士遷

工科給事中首陳揚州水利賦役二疏二十年典試陝

西還京條秦晉間利弊六事上之并請刊

御製文集及廣捐修學宮之例悉

嘉納後假歸卒於家著有詩文全集奏議若干卷先是承宣父

明賢倣儻多才畧兄承宗視兩弟極友愛今明賢承宗

及承宣並祀鄉賢

江都縣志

汪楫字舟次先世由休寧遷江都官贛榆教諭康熙十八年舉博學宏詞授檢討與修明史旋充冊封琉球正使爲其國撰孔子廟碑默識尚氏世次撰中山沿革志瀕行例有餽贈楫概卻不受國人建卻金亭志之出知

河南府置學田於嵩陽書院聘詹事耿介主其事累擢

福建按察使布政使內陞京卿途次得疾卒於家祀鄉

賢子寅衷能世其學

雍正志

戴夢麟字占弼山東籍世居江都康熙十六年舉人官大理寺評事擢御史條奏刑部不得行外省提犯又請飭有司聽獄時當堂宣讀供詞使案犯質成以杜招胥舞弊四十三年監試北闈請多置印卷以備遺誤後俱垂爲定制四十七年典試福建累官至奉天府尹卒子思訥康熙四十四年進士授編修思訓雍正元年舉人思訓子汝槐乾隆元年山東解元汝棻雍正八年進士

江都縣志

成康係字安若寶應人康熙十八年進士考授中書一十六年分校京闈三十二年典試山西三十七年出爲台州府同知台故瀕海奸徒出沒爲海道梗康係下車卽與營員約添造巡船賈舶益集台衛屯田悉坐黃太兩邑磽瘠不可治間有願墾者又怵於衛弁需索康係懲衛弁某以法逃亡漸復權海巡役歲有陋例爲操舟者病有鳴冤者立懲之龍顧山有八忠祠祀靖難革除死事諸臣祠久圯康係重新之并益以林葉兩公顏曰十忠又扶持緱城正學後裔題贈樂安鄭恕盧迴雙忠祠額並請於學使立其後爲奉祀生仙居秋米撥解寧海營者歲三千石山路崎嶇每米一石費銀一兩康係力請改折釋麗水盜案冤獄皆表忠恤難之大者年六十八卒於官著有制藝詩鈔已付梓其大易闡微四卷春秋要旨四卷左傳解六卷詩裁四卷賦格二卷讀史辨訛一卷藏於家子三準副榜知廣東龍川縣申舉人珥附生孫七原大乾隆二年進士知山東魚臺縣家傳劉國黻字禹美寶應人康熙二十一年進士改庶吉士遷戶科給事中晉都給事疏言天下田畝不一賦役不均或田少而賦重或田多而賦輕請詳覆折數顯明畫一刊載賦役全書以垂永久遷通政司叅議歷督捕理

事官考覈則例刊布內外凡逃人株連勒取州縣官職
名待劾者弊盡剔除由是督捕案牘濶稀

朝廷乃裁其官而改國黻爲鴻臚卿國黻雖早達不懈於
學有詩文集若干卷子師恕三十九年進士官內閣學

士福建觀風使

雍正志

吳世杰字萬子高郵人康熙二十四年進士候補中書
少讀書不爲無用之學當十三年三逆亂後江浙婦女
被俘掠在金陵者至數百人勢面誓死道路酸鼻杰方
辦入都挾三白金裝罄囊贖之不足仍募所知具舟計
道里費次第遣歸諸婦女復得生聚十九年洪水入高

郵城一晝夜高數尺老幼胥溺杰率民夫徒跣立水中

壞所置房舍塞城決處水勢乃止全活數萬人二十四
年水復至風雨暴作朽骨浮齒漂蕩蔽水面杰多賃小
舟偏赴拯救水落復瘞埋流尸無算時州民就食郡城
者多棲河干下濕上蒸慮死癘疫則出貲治藥餌市米
麥以給不能歸者買舟送還故土郵舊苦役重有公正
排年等名公私交困杰以書謁巡撫湯文正公斌娓娓
數千言爲民請命斌廉得其狀悉捐除之歲省費鉅萬
他若白冤表節恤喪扶孤皆爲人所不能爲者至今江
淮間稱有用之學云著有甓湖草堂詩文行世乾隆六

年祀鄉賢

高郵州志

魏曰祁字子傳興化人康熙二十四年進士授四川高縣兵燹後民多逃亡曰祁出示徭徠且出貲代納租賦流民漸安集更修學官葺縣署縣向有虎入市為害曰祁為文告於神虎遂匿蹟歿於官

興化縣志

高克暮字述三江都人父以佑鄉里稱篤行君子克謨中康熙二十七年舉人授山東蒙陰縣邑洊饑蠲賑緩徵出俸錢築隄歷署昌樂萊蕪調日照等縣超擢漢陽府歲疫為設藥廠療民病江水漲安集其生者而收浮屍瘞之尋以上官屬其徵賄鹽埠卽以病歸定例凡外

吏在告者不再補奉

特旨高

克暮居官謹慎病痊日仍以原官補用蓋異數也

江都縣志

朱辰字劬孺寶應人康熙三十六年進士授浙江諸暨縣諸暨田地濱湖歲憂旱澇辰夙諳河務為倣南河規制於泌湖建石牐隨時啟閉由是水利大興邑為立生祠特巡撫趙申喬極器重之郡守某與辰素不合且奉職無狀屢被巡撫督責守疑辰之下石也適有僧出入制府幕中守賄僧文致辰款制府遂劾罷辰萬民為之稱冤里居十八年尚書張鵬翮將以辰名列薦劾以年老婉辭卒於家

雍正志

朱永輝字潤生泰州人康熙間知湖南沅江縣首建義學建水府閣造瓊橋修邑志刻楊忠愍文集政聲大著

沅江縣志

劉章澄字清遠江都人康熙間知湖南臨湘縣為政以

教養為本創啓聖祠置學基鼎修學宮未嘗妄役一民

民有貧不能自存或婚不能娶者皆出俸拯助之尋調

慈利百姓請畱不能得為攀轅號泣

臨湘縣志

方覲字近雯江都人康熙三十六年進士改庶吉士散

館授編修督學四川葺文翁講堂為書院令多士肄業

其中月給薪米費遠近就者甚眾雍正二年改御史轉

戶科給事中巡視船廠覲條陳事宜十一款皆報

可及使竣隨差通州坐糧廳

憲廟語輔臣可任督撫者十人覲名與焉擢浙江按察使署布

政使兼護理兩浙鹽政未幾晉西安布政使病已劇扶

病就道至六合縣卒旅舍奉

恩旨加太常寺卿銜給帑金五百兩治喪仍

賜祭葬子夢駟五十九年舉人嘗蒙

召對次子夢騏選雲南通判

憲廟語廷臣曰方覲好官朕不忍使其弱子赴萬里也改授建

昌同知卓異陞漢中府

江都縣志

季愈字退如寶應人父爲掾吏湖西奸民劉某謀不軌令窮治其黨愈父搜其家得一冊皆素知其名無不法狀勢不敢匿渡湖伴失足墮水以冊納汙泥中皆獲免愈中康熙二十三年舉人三十九年進士皆第二

殿試榜眼及第人以爲陰德所致愈洵升庶子督學廣東

鼓吹過里門人皆羨之

寶應縣補傳

劉師恕字秘書寶應人康熙三十九年進士由檢討考取御史與修

三朝國史康熙字典政治典訓諸書五十年典試廣西五十二年督學河南差旋歷遷中允祭酒

憲廟御極出爲貴州布政使時有奏請丈量田畝升科者部檄

到師恕謂苗疆要地一經清丈必致驚擾俟有田土告爭者飭流土各官因事丈量事遂寢雍正四年內陞通政使蒙

詢貴州將弁可勝提督任者師恕以總兵蔡成對是時蔡方密

劾師恕師恕乃力薦之又問石禮哈奏請古州用兵恐屬孟浪師恕對古州苗夷剽悍抗拒官兵宜加懲創此奏並不孟浪尋署吏部左侍郎補右副都御史主試順天歷轉禮工二部協理直隸總督永定河決不俟奏請卽飭藩司發帑賑濟并飭州縣不拘何項錢糧先行動

用督標各營兵餉例俟部撥值歲暮師恕奏請將存司庫之項借給後遂遵爲成法莊頭人凌虐良民俱案名奏請擒治尋以內閣學士出爲觀風整俗使沿海之民貧臺地肥饒奸民往往包攬偷渡名曰客頭人各釀金行至海中多遇害師恕請定包攬者罪擬軍此風漸息臺灣逼近諸番有大甲西社番衆作亂號召沙轆牛罵樸仔籬等相犄角勢甚猖獗時提鎮領兵三千師恕請益兵三千接應番衆悉平羅源古田因米價昂貴飢民攘奪爲患兩院欲以上請師恕曰此愚民耳急則恐有他變某請撫之至縣擒爲首者數人衆皆戢服以疾告歸會淮揚大水飢民求賑以從弟某連累部議革職乾隆二十七年恭迎

高廟南巡

予侍讀學士銜休致遂卒年七十九

行狀

朱潘字東溪江都人康熙三十九年進士初授陝西雒南縣以廉幹調安塞內艱服闋補四川彭水縣上官之擁重權者其同年也素重潘欲引爲己助潘不肯附攬怒幾莫保困阨之者五年及其旣敗乃遷刑部主事轉員外郎擢山東督糧道又以不徇上官意劾其不諳糧務改湖北武漢黃叅議以老病乞休未幾卒貧至不能返櫬楚人士賙賻而泣送之無子

江都縣志

劉之滂秦州人康熙四十年舉人天資純篤父歿以母老不忍遠離不赴禮闈者十年兄弟族黨凡婚嫁祭葬諸事俱竭力依給臨財不苟得暮年尤力講心性之學

乾隆二十五年崇祀鄉賢 秦州志

陳元度字武岡江都人康熙四十一年進士授直隸赤城縣西事方興軍需旁午宣郡每歲養橐駝五千餘隻赤城應分五百有奇歲需草十數萬束每束官價三釐元度倍價給之至運陝之鞍屨荆筐等具需牛二百餘頭前官悉取諸民元度憫其累解俸以備不足濟以衣飾囊為一空治赤十年無三月罰俸之譴雍正四年稽查各府縣倉糧同時解任者四十二員元度赴部引

見奏對稱

旨旋於六年補河南邾縣八年擢刑部湖廣司主事乞歸年八十三卒於家著有野堂集金臺還璞集子二起唐河南陝汝道起夏候選知縣起唐子之綸乾隆十五年舉人應瑄知雲南元謀縣起夏子詔知山東東阿縣 家傳 俞梅字師巖秦州人十歲試童子日成十藝康熙四十年進士旋丁內艱回籍四十四年恭迎

仁廟南巡

特命充維揚詩局纂修官授編修分校康熙字典一統志分韻

唐詩政治典訓諸書五十二年典試山西從棘闈奏減
官卷正額三名取額外民卷補之故人子雲間張忠震
年甫十歲困於京梅教養之卒成進士吳門李生軾軻
與張等亦招致與張同學後入翰林皋邑鄭某官部曹
時託轉貸千金未幾鄭歿梅出金贖券焚之年五十卒
著有俞太羹制義雲斤詩集治河方略孔子家語訂正
歷朝詩雅白陸詩選等書新

田敬錫字公燮秦州人由歲貢考中書遷刑部主事歷
陞員外郎郎中時浙省一朝貴窩盜事覺有行數千金
求寬解者却不受卒案治如律秦蜀起大獄株連至千

百人力持不可活無算歸里後捐贖產一莊價值千餘

金為鄉學及囚糧之費歿後崇祀鄉賢子廣運康熙五

十一年進士授福建惠安縣

秦州志

繆沅字湘沚秦州人先世於元至正間由嘉興來遷曾
祖欽以布衣伏闕上疏籲免秦州浮糧萬五千餘石贈
懷遠將軍沅生而有湘字在其頂八九歲夢至古剎證
前世為湘山寺老僧每好誦我本泉州清淨禪湘山湘
水別多年之句後至泉州訪湘山寺禪房門徑恍如夢
中所歷幼嗜學四庫百家靡不貫穿中康熙四十八年
進上

殿試一甲第三授編修充五十一年會試同考官視學湖廣每試一郡畢與諸生會講而去其有孝子節婦則親式其廬應山楊忠烈公漣江夏賀文忠公逢聖子孫流落資之使有以立秩滿瀕行兩湖諸生送千餘里尋遷工科給事中轉禮科雍正元年言事稱

旨賜貂裘松花研等物訊減高麗車兩事鳳凰城邊人以和擢

太僕卿通政使內閣學士工部侍郎轉刑部無疾而終年五十八子四集雍正二年進士梓琬檮皆舉鄉薦雍

正七年崇祀鄉賢

墓誌

宮雖字炳和泰州人中丞夢仁孫康熙五十四年進士授中書監督通倉清嚴率屬無敢干以私以母老與兄

翼宸同日告養素精易理有花嶼山房詩集

泰州志

王箴輿字敬倚寶應人式丹孫康熙五十一年聯捷進士以纂修

武英殿書議敘內閣中書改知河南臨漳縣歷任澠池洛陽雍正四年充鄉試同考官卓異擢直隸冀州知州因總督田文鏡請仍授河南陳州知州遷知歸德府調衛輝立泉源書院旋罷歸乾隆十六年迎

駕淮北復原銜二十二年

高廟再幸江南進迎

重刊揚州府志 卷之四十六
三
鑾詩十二章賞緞二端卒年六十六家傳

陳遠臻字以漸泰州人貢生由教習期滿授貴州永寧縣興學課農民苗咸服計典交薦入覲

仁廟獎賞賜性理唐詩蟒衣果餅授新興州洊陞刑部員外郎

郎中浙江道御史

欽命巡察北直順德等府至成安縣卒新

梁浩之字興若揚州人康熙五十五年舉人授虹縣教諭築屋數十間集諸生肄業其中自是虹始有登科者擢山東金鄉縣縣有運河淤塞浩之捐金開濬三十餘里鄰邑翟令因偏災代民任課三萬餘兩未幾下世遺稟以浩之攝篆浩之毅然任之悉爲交納翟有子遠官

黔中浩之知其家貧復助之令其扶柩歸行取主事奉

特恩改授科道歿於京邸家傳 案選舉志作五年舉人

伍起字鯤扶儀徵人康熙五十六年舉人雍正初補中書轉戶部主事乾隆初監督通倉陞員外郎時大學士傅文忠恒以冢宰兼戶部適文選司郎中出缺力爲係題定例吏禮二部司員專用甲榜當事重起才品破格用之掌選數年絕賁緣謝請託尋補刑部勞心苦思不數月髮盡白未一年卒於京著有伍鯤扶稿山房課藝攝山偶吟之吳偶吟受軒苦吟忠孝堂字問筆談及毛

詩集說書禮春秋集說等書行世儀徵縣志
方願瑛字實村江都人出守懷慶決疑獄如神時豫省
議以軍需稅畝願瑛獨持檄不下民賴以安河南賊亢
珽因緣為奸

特命重臣出按之使者知願瑛有幹濟才調攝河南府尋殲亢
珽於新安山谷中釋被脅者數百人委讞蘭陽叛案全
活亦數百人康熙五十九年卓異陞贛南道懷之軍民
泣送者數十里立祠肖像祀之益贛三月以母憂去雍
正二年補惠潮道值歲大祲鄰郡皆荒願瑛發巨舟航
海抵厦門購粟以濟聞風就食者日數十萬口署布政
使權稅海關清節傳外洋轉按察使風操益著忌者中
傷之誣陷擬重辟羈獄八年乾隆初

特簡雲南候補一署驛鹽再署迤西以勞瘁卒於官

江都縣志

宮耀亮字武鄉秦州人康熙五十六年舉人授陝西醴
泉縣縣有龍泉里石田不可耕力請上官奏免九十餘
頃銀糧唐昭陵建陵陵戶各給田數十畝乾隆十一年
有令陵戶退地築牆之議耀亮請參以通融乃聽民耕
如故修縣城七閱月成功纂縣志於蠶織一條畱心巡
野董勸自是懿筐滿阡陌邑人為繪像供灃之北山曰

宮命廟家傳

重刊

卷之四十八 人物三

三

陳新楷字依宣江都人康熙五十七年歲貢生父著歲貢生以文行稱新楷幼疑重寡言笑年三歲見祖父過必起立事祖母甯疾衣不解帶者數十日甯臨危顧之曰吾累汝願汝他日生孫亦如汝事父母俱以孝聞父歿年已逾五十終日長號勺漿不入口者五日伯兄遠出夢兆不祥夜半起開戶長跪草露中默有所禱比伯兄歸語及遇橫暴夜半而解卽得夢兆跪禱之夕也目不視邪色然諾不苟有人誤罹獄需多金一人曰某首肯可代金也新楷憐其無辜許之事獲濟有患羸疾者得參可活給之病痊來謝卻之曰豈藥果有靈哉由汝

平日做人好耳此後當益爲善備脩脯爲卒歲計適南

城火數百家皆赤貧火後雨旋至惻然傾囊市席遍給之椒盤蕭然恬如也乾隆十二年崇祀鄉賢子夢文

新

馬曰湘字熊山儀真人康熙五十九年舉人乾隆十二年選授湖北保康縣縣在萬山中城郭不完民以爭山構訟者懸案數十年不結曰湘令兩造各繪一圖按圖對核是非立剖邑無志乘乃輯其山川塘汛倉廩民風土俗勒爲一書曰告新編莅任未一載援例遷工部虞衡司主事尋致仕歸自年二十二失偶不再娶獨居至年七十九卒著有紀遊詩草子道周乾隆十七年進士

歷官刑部安徽司郎中以父艱哀毀卒於殯所行狀

唐繼祖字序皇甘泉人詩子素以博洽名康熙六十年

進士改庶吉士授檢討改禮部主事以薦擢御史數有

建白皆見施行遷工科都給事中巡南漕奏績復使巡

湖南北將還授通政司叅議旋改鴻臚寺卿既入都卽

遣署河南按察使尋調湖北辨冤獄多平反為楚人愛

戴以病歸尋卒家無餘財鄉人稱之甘泉縣志

王綝徵先世歙人入儀徵籍由貢生授廬江教諭預修

江南通志陞貴州銅仁令至數日平峒苗獄百餘件紅

苗肆逆三省會剿轉餉不匱士民得安者歷任七年卒

於官銅人祀諸名宦略

沈遴字輯之秦州人康熙六十年進士初署貴州施秉

縣濬城東諸葛碕河五十里縣民常被九股生苗燒害

親統官兵擒獲補普安縣宋勉之子被盜殺四捕無蹤

為文禱城隍神立捕巨盜置之法三次鄉試同考官在

任十三年緩催科革陋規修學課士以疾歸遂卒子均

歲貢生蒙城縣學博

張文緯其先江都人父善政以討逆成功授他喇佈勒

哈番廕襲三世

仁廟南巡三幸其家既文緯入籍秦州以濬菜黃灣河工議敘

授陝西武功縣求免積欠民感其德改福建長汀縣擢
同知以病歸邑人建祠祀之

喬汲字敏伯寶應人弱冠舉於鄉外舅胡期恒巡撫甘
肅執權要汲在甥館閉門卻掃餽遺不通及胡敗有司
求汲於蕪湖推問累日卒無以坐選吳縣教諭縣令爲
上官治屋儲材於學宮汲力爭不可卽日挂冠去久之
學使者迹其行事下諸學官著爲法汲多識

朝廷掌故先民德音卒之前夕猶次及禮記誤文求書是

正而歿

新
增

夏之芳字荔園高郵人雍正元年會魁充教習二年期

滿

憲廟命與庶常同散館授編修高文端公斌薦修禮書出覈直

隸倉儲策蹇莅界勾稽較然改御史巡中城五年巡視

臺灣

御賜貂皮手珠紫金錠荷包各數事舊制臺灣學政鳩臺灣道

以芳詞臣優文學

特旨以巡察兼學政事奏立臺字號通事張漢臣等誘生番殺
人鍛鍊成獄以希爵賞芳察其枉釋諸番執通事杖殺
界上畫地以杜奸欺番漢帖然八年差通州坐糧廳畱
任者再十二年巡察山西潞河公誤鐫級歸乾隆元年

重刊揚州府志 卷之四十八
恩旨掌河南道御史時有

詔令註誤人員有冤抑者赴都察院訴芳手定數百案多昭雪直隸盜張某株連多犯以贓米未獲疑之卒獲真犯土豪李其誣告刑部郎周某受賂故出獄幾具芳廉訊得乃反坐時淮揚疊被水災議挑運河

高廟命淮揚諸臣各陳所見芳疏宜於未挑運河之先通治河之上流既挑運河之後兼治河之下流後因毛城鋪引河與河臣會議不合仰蒙

聖恩以所奏從桑梓起見遂免吏議乞終養旋里卒年五十八

著有紀巡百詠海天玉尺編行世宦蹟詳載福建通志

高郵州志

陳夢文字豹莽江都人雍正元年舉人五年以舅氏湖州知府唐紹祖薦補湖廣瀏陽縣有盜七人已誣服訊知其冤立釋之更獲真盜盜首卜天章曾刦七十二案劇賊也由是闔邑寧謐前令以叛聞禍不測力爲平反僅以愚妄予戒飭闔族千餘人建生祠以祀攝醴陵篆醴有銀礦開則米糧貴而盜賊多民弗便議閉之商奉金爲壽力卻之卒閉焉窩主巫雲浩居深山中有田數百畝夥黨數十人牛羊什物入者皆有贖例夢文以公事繞道至其家起贓獲賊以才調首邑因病卸事後補

江陵辦理災賑前令已有成冊廉得舞弊經胥重枯之
幾斃令自首者免罪由是以虛冒刪除者半而貧民入
冊者亦半以母老引年歸送者至萬人新增

劉東字長源寶應人廩生雍正元年舉賢良方正以知

縣用尋卒寶應縣補傳

喬汧字秦川寶應人雍正元年舉人授湖北長陽縣散
毛土司與黔民爭田界結訟數載汧為稽券籍分疆界
苗民帖然調江陵除押差重徵之弊革一切陋規代償
民欠漕米八百餘石卒於官行狀

劉謙字子牧江都人雍正元年舉人官河南沈邱縣縣
與弟婦常氏姦殺其弟培虎滅迹謙訪聞研鞫

將常氏母女拘入城隍廟殿前謙潛入神座後
聽之夜半具得其女向母私訴投尸井中狀次日一訊
卽服沈寃立雪徒封邱值霖雨壞田廬謙鑿渠宣泄因
假道下游之長垣引入大河縣民讓地二十里兩邑民
踴躍赴工計四十餘里舟楫皆通旱可灌田至今人號
劉公河擢守歸德隸九屬頻年苦饑府試按臨各屬辦
賑不假書吏手有積賊嘗招飢民為盜至是皆不肯從
曰吾不忍負劉太守也歷擢雲南鹽道臬司卸事時士
民赴兩院籲畱歸揚後於城北築號舍二十餘間擇親

族中有造者會課其中年七十七卒新

王安國字書城高郵人父會祿母車夫人夢神錫古鼎

遂生安國雍正二年會元榜眼授編修充一統志八旗

志書館纂修十年典試福建所拔士成進士者四十八

冢宰蔡新總河李清時其尤著也累遷司業侍講視學

肇高旋晉學士僉都御史羅定學正某以補廩索士金

劾之一時肅然舊制院門嚴啟閉安國曰人之欲寶在

心苟無欲雖日啟門何患乃設西齋日延見諸生導之

重廉恥長氣節提學六年士風丕變乾隆四年受代晉

左副都御史尋陞刑部侍郎左都御史凡所陳奏手自

書寫無有知者是年冬巡撫東粵以父年七旬乞迎養

御賜五言律詩一章並豐貂內紵以示異數安國至吏治一新

於疑獄尤矜慎高要有劫賊逸邏卒執疑似者塞責連

係纍纍安國識其冤悉縱之越日而真盜得振興粵秀

書院遇歲旱禱雨輒應太平諸關鈔歲入若干糧儲官

歲供白米皆不受察吏舉劾不苟每日官數易則民不

靜而吏滋奸且大吏平昔董戒何事也三年擢兵部尙

書值丁父憂制府白於

朝公賻二千金然後受服闋遷禮部適閩撫疏奏侯官縣

天寧麓有龍潭出請

敕封立廟安國議曰祭法所謂能出雲為風雨見怪物者指山林川谷之神而言非指所見之怪物以為神也閩省龍潭正所云不在祀典者且建廟必招僧道奪民之田以奉游手尤非政體瀕海之民易惑於鬼神之事正當示以常道不應更創淫祀事遂寢東粵又請封陳文玉為雷祖復建議闢之舊有通禮一書未盡允協安國時充會典館總裁每進會典附以通禮折衷今古越十載告成二十年遷吏部尋兼工部二十二年終於邸第年六十

十 事聞

勤給內庫銀五百兩諡文肅安國生平孤介位通

顯門庭閨寂燕會不預請託不行中年喪耦不畜妾媵甫釋褐座師高安朱文端軾語之曰學人通籍後畱得本來面目為難安國奉為楷模故其節操與高安相類云居家孝友三族之貧者多蒙其惠學宗紫陽嘗欲編訂朱子大全未果而卒嘉慶十二年入鄉賢祠子念孫乾隆三十年

高廟南巡

欽賜舉人四十年進士以庶常改工部都水司主事歷員外郎中擢御史前山東運河道現任直隸永定河道念孫子引之嘉慶四年進士探花及第授編修大考一等現任

侍講學士河南學政敬之邑庠生家傳御賜詩

節初仁風敷嶺海愛日永庭除紫鳳忻銜

吳之彥字碩夫儀徵諸生以孝謹著雍正五年舉孝廉

方正授江西武寧縣寧邑逋賦積二十餘年盈數萬先

後令皆坐累彥攜一役歷諸鄉召集父老開誠勸導不

匝歲而舊逋頓清又躬履田閒繪田家四時工作圖分

給諸鄉乾隆三年卓異膺首薦蒙

特賜朝衣一襲再補直隸安平縣陞刑部江西司主事年五十

九卒於官儀徵續志

孫漢孫字邃人高郵人吏部郎中宗彝孫宗彝以訟繫

獄漢孫時幼穉奔愬公卿問隨侍縲絏見者無不感動

雍正二年與其子中同榜舉人八年考授內閣中書監

督京倉差滿引

兄奏停截留漕糧之例復請禁債戶赴倉領米悉蒙

俞允等陞刑部浙江司主事張雲如一案連坐甚眾乾隆元年

遇

恩赦核其無知被誘者均援免二年京師旱法司省獄開豁十

餘人監糶西城米廠白於大司農減價濟貧時淮揚疊

被水災

高廟軫念災邑下詢廷臣漢孫前後疏數千言因議開毛城鋪

引河事聖史議復蒙

聖恩寬免以患疾歸獲孫篤於師友座師歸安吳某緣事當遠
 謫瞽且病為購參苓置衣裳厚燼之後吳卒於邊復釀
 金返櫬數千里外嘉善戶曹陸某素為莫逆友有女適
 朱某夫卒守節後以他故被逮落籍於旗獲孫捐贖撫
 如己女其他古道類如此著有檀弓論文二卷採八四
 庫全書子四穀另有傳中舉人鬻十二年舉人喬年監

生高郵州志

孫穀字雨田四歲時四子五經成誦外大父陳仲宣農
 部與質經義幾無以難舉賢良方正授江西南康縣康
 為人粵通衢民苦徵役日船差日馬差日里長穀下車
 首除之省獄出無罪三十餘人康民周忠烈者宜若庶
 子也嫡子赤文利其有誣以非父所生訟淹四十年穀
 論以大義俾忠烈歸宗奸徒謝履亨訟叔通海盜穀訊
 偽劄不得論治履亨流罪粵令某道經南康子溺於水
 令誣舟子盜金若干穀廉得其實置勿論後囊中翰見
 舟子朝夕南向叩首誦穀明斷十一年康大水穀捐俸
 親賑重建濂溪書院他若舉貞節置社倉設義塚皆殫
 力為之署贛州同知清除漕弊凡不便於民者禁諸石
 邑人咸謳思焉以病歸遂卒著有長嘯齋詩集

任啓運撰墓誌

劉育杰字凡若泰州人系出宋儒屏山先生後育杰夙秉庭訓中雍正八年進士初任山東招遠縣大府督令墾荒尅期責效育杰以事涉紛更力陳不便遂不果行黃縣民田成蛟等出洋遭風飄至朝鮮各帶重傷育杰奉檄查辦以高麗素稱恭順詎敢戕上國良民請咨部行查續據高麗移覆並非啟釁滋事遂寢調昌邑以病歸丁外艱服闋揀發楚省委署京山審結千餘案題授蘄水時有倡逆於天堂寨者出沒羅蘄英霍間遠近倉皇育杰時入武關奉檄回縣見老幼逃竄紛紛莫可禁遏探知蘄州無恙賊不能越疆飛渡長子司炎方畱省會飭令逆歸且硃書榜於輿前云本縣只此一子如

果逆賊猖狂何忍反投虎口蘄民見之大定調任漢陽旋膺卓薦推陞陝西華州適值軍需旁午車馬糗糧區畫井井後擢守潞安遂卒年五十九子司炎歲貢生家傳宮大鵬字天巢泰州人雍正七年拔貢生舉賢良方正授江西安儀縣歷任湖廣武昌安徽繁昌等縣嘗集經典史集中凡言忠者手錄成冊名彙忠編其目有四曰本忠辨忠致忠成忠曾中蘊蓄一於政治發之致仕歸老成典型爲鄉里矜式卒年八十三新增

程盛修字風沂泰州人家貧篤學雍正八年進士改庶

吉士授編修乾隆元年改御史進呈咏史樂府十二章蒙

論御史

程盛修所進咏史詩指事寓規詞意婉摯得獻納之意與泛論經史者不同賚物甚厚後擢至京兆尹乞養歸年八十五卒著有夕陽書屋詩四卷南陔松菊集一卷

節畧

劉育渠字木若泰州人雍正十一年進士授陝西武功縣賑饑有善政民德之祀名宦子司燮乾隆三十八年舉人司鐸桃源家

羅憐字素心甘泉人附貢生考授正紅旗教習選浙江烏程縣有政聲雍正十一年旱憐捐給籽粒勸民補種

程邑倉米舊有貼例憐革除舊弊立分票法自是漕務肅清地汙下禾稼不植民多棄農業舊例凡已荒之田悉派賠租憐力請上官釐定浮額於乾隆四年題請減免地丁額銀二萬兩有奇士民尸祝憐家素豐嘗捐賑二萬餘兩躬履窮檐置立印簿吏無從上下其手又捐俸築阮顰三圩隄五丈康山壩石塘百七十丈建育嬰堂四門義學葺青塘橋重修烏程縣志去官日邑民刻碑峴山之麓歌頌不衰新

貴汶字魯源其先世宛平人以軍功世襲錦衣衛指揮

使五世祖浩當明正德中以錦衣衛南鎮撫司罷官遷揚州歷世名德至汶雖家業式微而力行善事親族鄉黨賴以存給者恒數百家海寧查士標署其堂額曰于與蓋謂其後嗣當有高門之慶也子五人少子國柱最知名國柱字殿臣賦性純謹人雖以無禮干之恒躬躬自克居常訓其子孫曰吾雖不能利施及物但得守先人遺訓鄉里稱善人足矣以孫徵官

贈奉政大夫子天燾字廷方家極貧自守甚力謂貴氏自占籍以來讀書者大抵止郡縣諸生故課子極嚴次子徵自五齡就傅寒暑不少寬假中乾隆五十一年舉人五十四年進士官吏部郎中天燾

贈奉政大夫節畧

夏之蓉字醴谷高郵人性孝友八歲食蟹積膏匡中以遺母兄弟七人蓉居中畢生無間言雍正四年與弟廷芝同膺鄉薦司鐸鹽城十一年復與廷芝同舉會魁乾隆元年考取博學鴻詞授檢討九年典試八閩尋督學粵楚同考順天所得士如建寧朱仕琇山陰茹敦和其尤著者著述已刻者半航齋古文八卷詩鈔二十卷駢征集四卷讀史提要錄十二卷偶輯四卷未刻者諸經考辨二十卷諸史考辨二十卷其選訂制義如證是編

慎道編酌雅集興藝錄汲古編正味集皆風行海內又
 為執友李鐵君錯募刻尚史七十卷修本州志書暨學
 宮歷聘修通州志主鍾山麗正諸講席士林悅服居鄉
 三十餘年卒年八十八嘉慶十三年崇祀鄉賢子曉春
 乾隆十五年舉人官山東滋陽縣有聲著有鶴泉詩鈔
 曉春子三味堂四十二年舉人家傳
 夏廷芝字茹紫高郵人雍正十一年進士改庶吉士入
 直

武英殿充一統志纂修官定例各館纂修必編檢乃得與

掌院重芝之文望故特薦之尋授編修乾隆六年典試

西七年充會試同考官九年擢侍講督學山右十一年

高廟西巡狩於射虎山

召見行在

恩賚有加移湖北學政坐所屬萬全安邑教職不能禁約士子

鐫級歸著有周易纂註河圖精蘊諸書卒年六十三子

葆春乾隆十八年舉人行狀

馬永萊字爾器興化人雍正十一年議敘江西都昌典

史有母訟子求咎永萊善諭之後其子習武官叅將從

三水勸民以沙田八公為犛獨矜恤之資民德之為立

生祠家傳

宮煥文字觀成先世自直隸靜海移居秦州雍正十一年進士由工部都水司主事乾隆三年擢山東道御史十三年充文武會試同考官巡東西南三城天津通州漕務晉奉天府丞太僕寺卿通政使司通政使以病歸四十五年

高廟南巡特蒙

存問賞賜有加卒年八十九節

鄭燮字克柔興化人乾隆元年進士授山東范縣徒濰縣濰邑韓生貧而好學燮夜行聞讀書聲心許之時給薪水後成進士有知己之感值歲饑道殣相望不俟申

報卽出倉穀以貸秋夕歉捐廉代輸取領券火之濰人為建生祠燮生有奇才性曠達不拘小節於民事纖悉必周官東省先後十二年無畱牘無冤民以疾歸囊橐蕭然圖書數卷而已詩宗陶柳書出入漢隸中而別開生面兼以餘事寫蘭竹一縑一楮海內爭重之著有板橋詩鈔詞鈔家書與題畫詩行世卒年七十三新增施淇字衛濱儀徵人早孤事母吳以孝聞乾隆四年進士官寧國府教授奉檄勘災賑飢者縣送夫馬供應不受曰昔閔仲叔不以豬肝累人吾豈以賑累民乎卒捐俸募夫往不濫不遺知縣某因私事啗以三千金卻之

致仕歸壽九十卒子三朝幹二十八年進士歷官宗人府丞著有六義齋詩集陽陵集三聲一勺等集儀徵續志

楊開鼎字玉坡甘泉人乾隆四年進士由編修授山東道御史劾江南河道總督白某匿災不報白落職轉戶科給事中出為大順廣兵備道值歲饑疫作開鼎煮賑合藥救之調湖南驛鹽長寶道署臬司平反桂陽安仁誣栽大辟之案調衡永郴桂道修嶽屏蓮湖兩書院增立義學添設育嬰堂挽溺女惡俗創水龍器具以防火患卒於官新

王希伊字耕伯寶應人懋茲孫乾隆六年舉人選陝西

白水縣縣共轄十六里里各十甲向來里甲糧數多寡不均里長因緣為奸希伊為截長補短東南畫八里西北畫八里里分十甲甲分戶口四等由是甲均則里均里均則糧均民便之裁革里差等陋規創建彭衙書院與諸生講業一以朱子語錄及陸稼書松陽講義為主所著彭衙存稿載讀四書章句集註例四書例皆其疏通證明者又石刻

御製訓飭

士子文朱子白鹿洞教條及選刻文編行編各七種

仿毘陵錢氏同善會例捐俸為一邑倡為邑民王太宣妻賈氏趙九賢妻張氏澄城張居妻韋氏立碑於墓以

表節烈過富平謁楊斛山墓懸匾於祠曰忠孝傳芳續
修縣志遇旱禱輒應在任六年改選青浦縣教諭邑人
於彭衙書院之左建祠設位朔望瞻拜後去青浦時士
人爲位於青溪書院嘉慶七年入祠名宦崇祠名宦祠錄

劉淑字慎修江都人由貢生於乾隆初授湖北蘄州性
惠愛法至死者輒不忍決因疾致仕猶爲窮民償逋欠
社殺事載蘄志名宦增新

申甫字及甫祖父由陝西三原遷揚州遂入籍甫隨父
宦越中舉博學宏詞中乾隆六年順天鄉試由中書歷
官順天府丞遷左副都御史卒於官著有笏山詩集附錄

志

謝溶生字容川儀徵籍家江都晉太傅文靖公五十五
世孫幼孤讀書聰穎九歲而五經畢桂林陳文恭公守
揚校士心器之遂妻以女乾隆七年聯捷成進士由編
修歷官禮部左侍郎十八年典試廣東二十年督學山
東倡建四氏學明倫堂二十五年督學江西革除陋規
培養士氣嘗劾巡撫某推勘得實風節凜然會以事降
光祿寺卿轉太常時本署有挑缺事同官某私所親溶
生將劾之未上某知而銜之故事朔望日太常寺官職

司

壇

廟黥香適溶生有長兄服拘泥未詣某即彈奏免官歸五十五

年進京恭祝

萬壽

賜三品銜嘉慶六年重赴鹿鳴宴是年卒年八十七子三士松

士樗廩生士樹附生長孫承炳貢生年譜

陳大復字敦來寶應人乾隆七年進士授禮部主事陞

員外郎郎中擢御史巡中城傅文忠恒家人酬酒滋事

擒治之公卿中頗為之緩頰不聽翼日文忠投刺謝人

兩賢之出為河南陝汝道裁一切陋規以年老致仕授

徒自給年八十餘卒寶應縣補傳

沈之本字增培高郵人乾隆九年舉人三十一年大挑

知縣分發福建攝建寧篆時山均有被戕四尸未得正

兇主名之本設法捕獲移篆邵武勘新淤田種民無冤

倖俗悍有鐵尺會多釀巨獄又剪辮案起所在騷然之

本獎善懲奸民皆安堵他若決四十餘年盜葬舊獄鞫

得謀殺偽報實情闔邑稱神兩次分校鄉闈權邵武府

同知會以檢屍案不附大府意罷歸年七十八卒著有

易經要覽春秋合傳纂輯理學名言格致紀原曙園文

集諸書子三業舒邑庠生業榮歲貢生廣廩貢生行述

張元進字序登儀徵廩生有文行曾書名於申明亭舉孝廉方正以父疾固辭乾隆十三年

高廟東

巡召試賜緞匹著有嘯門集白川草堂詩

儀徵縣志

徐文珩字楚珍興化人歲貢生乾隆九年授英山縣訓導縣去府治遠路險峻珩請俟學政臨郡始行府試以免士子行李之艱勒碑為例家居值歲饑率同人為民請賑邑人德之著有忠孝類四卷

新

徐步蟾字同三興化人乾隆十二年解元十六年進士授河南修武縣遷扶溝政寬簡列縣志循吏傳乞終養歸興地當西水之衝會勘災步蟾呈請減則著為令邑

人德之年六十七卒

略

秦鬢字序堂先世由陝西三原遷江都遂家焉少具夙慧八歲而五經畢中乾隆十七年進士改庶吉士授編修典廣東試者一山東試者二順天鄉試同考一會試同考二改四川道御史兩陳封事皆慎重官常蒙

俞允差

通州坐糧廳未半載擢湖南岳常澧道時京兵赴滇彈

壓護送不擾民間適所屬解犯脫逃被議將離任猶紆道勘華容安鄉兩縣災面陳撫軍請緩征時報部冊已定力爭改之又凡詳撫公文俱移咨兩司向無故事人咸以為迂有武陵人謀開鐵廠前撫已據詳批駁適藩

司護撫篆前受駁者改名呈懇護撫據前咨移詢具以與前所履之地某某相符對得免開採之擾他所關地方事多類此抵京注銓以母老請養歸卒於家年七十

三著有易書詩三經傳說鈎提周禮纂註史鑑雜錄若干卷古今體詩四卷詩餘一卷子恩復五十二年進士

官編修

汪漢倬字大章江都人天與子官刑部雲南司主事遷

員外郎出為山東糧道署藩臬屢斷疑獄治河隄又於

德州建繁露書院長白鄂公稱為上等好官著有箕臺

詩鈔一卷

淮海英靈集

袁鯤化字圖南寶應人考授州判職議敘分發北河擢

順天永清縣邑民何德賢因索逋誤傷侯姓女侯以強

姦控獄具定大辟鯤化察其枉得平反東安縣張驟子

之父誤傷人死驟子乞代抵罪鯤化伸救之驟子坐徒

父得免死嗣以忤長官落職援例起復補臨榆裁出關

領票錢歲約萬餘緡設義學延師課士多獲雋會歲旱

蝗鯤化禱於神願以身飼即解衣裸卧烈日中蝗徙它

境定例流民出關者有禁鯤化捐貲收養民活無算凡

歷七縣庭無畱牘邑無冤民以年老乞歸民攀轅灑涕

者數十里卒之先一日語家人翼日寅時當去適有人

來具刺請矣及期果逝年八十八新

江恂字于九儀徵人乾隆十八年拔貢授湖南清泉縣

縣新置恂建白沙東洲兩書院遷乾州同知乾故苗疆

地險而瘠恂修城郭建倉廩與遊擊江登雲議築邊牆

二十餘里以禦苗頑會左遷不果既而知亳州淮水決

城內水深丈餘恂設簞拯溺給粥賑飢全活無算事定

復築護城長隄自是毫無水患至今人呼江公隄擢知

徽州府以勞卒於官子德量另有傳家傳

沈業富字既堂高郵人幼穎異好學乾隆十九年聯捷

進士改庶吉士習

國書散館授編修歷典江西山西鄉試順天鄉試同考二

十年出守太平值大水賑飢口五十餘萬當塗大官圩

決下密札勸富戶糶濟清釐泗州灾民戶口遇歲旱禱

雨無應輒為文哭祀社稷卒得雨歲大疫設葯局瘞局

督埋暴露十餘萬棺蕪湖有兄弟訟者察其詞出一手

杖主訟者兄弟悔悟當塗有師弟互訐陰事塵卷盈尺

取置案前遽火之委曲勸誡師弟皆泣訟乃息貴池人

以墓地訟於部積案百數十年頭緒勞如業富中夜檢

舊牘得成化二十一年閏四月官契喜曰愚民安知前

朝某年閏某月檢明史七卿表果符遂據以定讞遠近

稱神明四十六年

高廟特簡河東鹽運使初解州鹽池受淡水歉產因運蒙古鹽多勞費及後鹽盛產而弊多商益乏乃立均引順路之法總三省引地以三等均之復以道路相近者順配爲五十六路路各一簽令各商簽掣之由是商力蘇而鑽營之弊亦絕運司署西隙地創立號舍四月課諸生又葺宏運書院構貯書數百種刻條山試藝在晉甫一年乞終養歸不復出年七十六歲卒著有味燈齋詩文集若干卷子在廷四十八年舉人候補中書孫勤增貢生行狀

仲鶴慶字品崇先賢六十五世裔孫明永樂時自蘇遷泰之虎阜鄉遂爲泰州人鶴慶幼英敏中乾隆十九年進士需次於家時多水患莊大中丞幕客某以洪湖大漲議棄泰之北鄉田以爲水宅鶴慶與議謂高寶興泰形如釜底而興爲甚泰未受水而興先之旣受水而高寶隨之不能獨棄泰田也且洪湖水下四邑之生靈皆盡咎將誰歸事遂寢比謁選授四川大邑縣正疆域以息水訟表地界以靖山爭建書院延師課士兩署直隸邳州民愛戴之三十二年緬匪犯邊鶴慶以馬政赴滇南督修濶滄官道監牛角關軍糧以軍功加一級後攝

蓬溪縣被議鶴慶性剛直為某所嫉禍幾不測德尚書攝川督事乃得雪初鶴慶罷蓬溪復任大邑及被逮士民泣送越境乃已居蜀二載始歸主講鎮江寶晉歸德文正南康白鹿如皋雒水各書院著有迨暇集古文二卷詩六卷詩餘一卷工寫蘭菊竹得者以為墨寶年六十三卒子三振猷乾隆五十四年拔貢

家傳

孫全祁字小宋高郵人早失怙事繼母孝贍孀居從母終其身中乾隆二十一年舉人初為泰興教諭後授福建羅源縣首興文教增撥羅川書院諸生膏火修學宮濬城河悉捐廉為邑人倡羅源百餘年無進士至是禮

聞獲雋者二人舊有鄉徵皆假手書役全祁減從按鎖

親收積弊盡革積欠一清歲旱請糶減價以便民及秋納倉價不足捐廉代償邑有花場會只罪首犯盡釋株連鄭統統者臺匪餘黨也密訪擒獲置之法部議加一級檄攝彭湖同知篆彭湖海疆美缺全祁以才力不及辭一時咸笑其迂後有以此蹈法獲重譴者乃知其識力過人也因公去官卒於省

新

吳重光字宣三江都人父千為好施予每歲暮裹金納懷中昏夜以投貧室歲以為常親族賴以舉火者尤眾重光中乾隆二十四年舉人三十七年揀發山西太原

縣太原去省四十里民多充上官胥隸重光一斷以法無所顧忌有從兄弟爭水道居間者毆其兄死畏罪賄其弟頂認重光反覆究得實論如律太原有劇盜久未獲重光引市井無賴子弟犯法在籍者察其材可任開以自新擒治無遺調陽曲禁官錢止官當舊有七十二約支應馬草僅存其半皆凋敝瘠薄之村蓋其餘皆巧為脫重光復舊制以均之署絳州有河津縣豪衿殺人縣令故寬之重光提訊得實明治其罪川師凱還夫馬不以累民擢知代州復斗山書院署朔平府以事成軍臺後其幼子慶仁迎歸卒於家

北湖小志

宮晉颺字穆蕃泰州人乾隆二十五年舉人官山西長

治縣嘗錄一重囚以誠動之囚忽感悟自供清釐糧冊刪去浮丁二萬餘口免胥吏影射沁河山水暴漲捐俸拯濟流民富戶輸金川餉有溢額銀二萬立召其人還之人服其廉後以進秩主事告養歸弟履基字應乾與晉颺同舉於鄉官浙江常山縣十年子處勤慎目持葺定陽書院辦理海塘兩膺同考卓異候陞以乞養歸著有素軒集

新

鄭灃字晴波儀徵人年十九父染病卒母繼病灃割左股和藥以進乾隆二十七年舉人

召試授中書出爲建寧府同知清釐晉江積案三千餘牘
擢守温州有兄弟爭產者澣爲講常棣一詩聽者泣下
遂罷訟累遷浙江督糧道以事削籍恭遇

萬壽慶典給五品銜澣詩學杜嘗刻少陵全集著有玉句
草堂詩夢餘集鷓鴣集石瓠園詩存諸藁凡若干卷詩

餘三卷

新
增

王嵩高字少林寶應人乾隆二十八年進士選湖北利
川縣有告女兒被殺者無鄰里可推獨遺一三歲兒嵩
高攜至署以刀作殺人狀示之曰誰爲此者兒曰舅也
明日捕告者一鞠具伏論如律苗民爭山界前令屢勘

不決嵩高循行叢薄間指一處曰此當有異掘之果得
界碑案遂定以捕獲鄰境巨盜補武黃同知歷署鄖陽
施南知府緣事降補直隸河西務同知白河水迅急五
十四年隄幾決嵩高防護穩固陞廣西平樂府丁內艱

尋卒年六十六

行
狀

劉世暮字仿魏寶應人永澄五世孫弱冠補府學生卽
具牒督學請祀永澄於無錫道南祠道南祠者顧端文
公憲成高忠憲公攀龍立以祀楊龜山者所謂東林書
院是也先配享止羅仲素以下七人其後顧高次第合
食惟永澄未與至是督學如所請檄行後選靖江訓導

值海水逆上學田盡沒自捐俸以給諸生膏火歲饑勘荆溪戶口所餐惟糗糒或饋二雞子亦不食旋乞歸生平學問以朱子爲宗嘉慶元年舉孝廉方正辭不就年七十七卒子五人台拱舉人台斗由進士官工部營繕司主事現任江西同知

述行

朱東啓字曉軒揚州人父元夢司訓豐縣捐俸葺學宮置祭器豐人咸德之東啓由主事授貴陽郡丞值苗勢猖獗道梗餉阻啟募兵裹糧從閒道馳驅七百里餉軍圍乃解撫軍請加給養廉以示優異監永寧鉛廠釐剔積弊烏蒙苗竊發啟上平烏八議且請率兵督戰撫軍用其議烏蒙平署普安州調平越鄰境有生界土坪一地爲苗人門戶啟請築城二以資防禦又築臺拱新城三面鼎峙苗人警慄啟思苗地阻隘非熟知路徑無以備不虞撫軍入奏

特旨命啟充繪圖正使深入蠻疆六越月悉得其險要繪成分

合六圖會染瘴疾請代而九股逆苗猝起矚平越無守擁衆二十萬入寇兵弁多陣亡存不滿三千人啟力疾任事得黃平難民五千固守匝月獲苗謀三人鞫知敵情磔之城上出奇斬獲六百餘級苗人奪魄會張經略援兵至啟協助力戰三晝夜苗衆潰竄踰年大功告成

入覲

高廟嘉賞授思南知府旋陞貴東兵備道卒於官年四十五著

有靜壽齋詩集增新

朱端揆字錫嘉東啟子官山西太平縣莅任三日即清積案捐修龍門書院回部犯順軍需孔急揆籌備無匱調繁臨汾值歲大歉急請於上不待報可開倉贍濟復捐廉設粥廠存活飢黎數萬乾隆二十六年

高廟西巡五臺派綜理射虎川差務蒙

恩召見賞給荷包綵緞大計卓異授河南開封府同知莅任一月丁內艱服闋補授粵西平樂府同知任一年以病歸

著有妙契詩鈔黔晉燕粵等遊草行狀

唐侍陞字贊宸江都人祖綏祖兩湖總督父展衡迤西道侍陞於乾隆三十年以蔭補山盱通判時湖水暴漲而正陽未報長有正陽報長而湖不漲者大府檄侍陞勘之歸呈圖說曰淮出桐柏千里至正陽所并之水已多正陽長落固可為誌但由正陽懷遠則潁肥洱洛天芑諸水注之又至臨淮則渦淝澥東西南濠月明湖諸水注之又下則合沱滄潼滌四水注之始迄於臨淮諸所并水潁渦為大若正陽以上水未長而潁渦驟長湖必漲正陽不知也正陽報長而潁渦不長淮至正陽下

且將倒盈諸水之科而後進迨歸湖十僅二三是以湖
不與正陽相應宜增設懷遠臨淮南誌椿與正陽相證
乃不僨事從之署宿虹同知夏家馬路黃運交偏裏河
水淺將漫隄侍陞效黃河清水龍法疏河底積淤徐州
城外增築石工石磯嘴增爛石工衛河水弱漕艘不利
請掘地千二百丈引沁挾濟以助衛河立捕蝗法蠲盡
而民不擾於其去也民爭送者萬人尋調裏河復調銅
沛決下游使水迴溜停淤兩隄合一卓異陞鄖陽府懲
鈔關苛索之弊凡空船皆不征人載但稽其人舟載稅
百錢舟大者一再倍爲限四十七年內艱服闋將入都

時河南青龍岡屢築屢圯阿文成公桂特奏侍陞悉河
務奉

旨發河工

建議開蘭陽引河至商邱歸正河復請於儀封十六
堡增開引河曰史邨夏水發果分爲二派一由新引河
一繞儀封舊城之南達所增引河又於毛家寨增築月
隄千餘丈睢汛七堡建挑水壩溜勢乃暢下無潰決次
年功竣擢開歸道調河北時屢奏安瀾侍陞測河勢知
將有變請於銅瓦廂工大隄後增築撐隄二百四十丈
河督以無故忽興大工難之固請乃行次年夏銅瓦工
內塌決不移踵侍陞請於新築撐隄內掘數丈使水迴

潯而入俾大隄撐隄合爲一從之隄合而險平修書院
增膏火輯三郡志調山東運河道充沂曹濟道以失察
前曹縣民毆斃飢民案降官遂以疾歸年七十二卒侍
陛嘗論治河之要曰河行挾沙治法宜激之使怒而直
以暢其勢曲以殺其威無廢工而不可偏無爭土而不
可讓守此岸則慮彼岸治上游則防下游皆名言也子

瑩

擘經堂文集

周兆蘭字香泉高祖一龍由山西霍州遷於揚業歲
饑倡義賑濟活萬人兆蘭幼聰敏十二歲咏黃花詩有
奇句中乾隆三十三年順天鄉試舉人挑發安徽補太
湖縣民王二係年十六買布入城死於路驗係服毒無
主名兆蘭宿廟祈神夜夢兩犬相抱二水神擊之旗書
水王二字次早訊知其婦與汪二苟合因毒斃狀結正
其罪合邑稱神五十一年大旱東門外唐家山有挖蕨
得黑米者往勘得數千石煮食全活甚衆事聞於

朝

高廟紀以詩

特旨送引

見後擢知寧都州權守吉安南康府事復白鹿書院膏火定青
山鹽船腳價添湖口救生船以事鐫級歸卒著有春帆

居士藁 家傳 御製黑米詩草根與樹皮窮民禦
黎荷天賜挖蕨聊餬口得米出不意磨粉攪以粟煮食
充飢致得千餘石多而非村居地縣令分給民不無少
接濟並呈其米樣煮食親嘗試嗟我民食茲我食先墮
淚乾坤德好生既感既滋愧愧感之不勝違忍稱爲瑞
郵寄諸皇子令皆知此味
曾孫元永識愛民悉予志

李道南字晴山江都人有至性母胡苦節臨終執道南
手曰還是讀書道南泣受命因以名其堂攻制舉業性
介不妄取中乾隆三十六年進士將歸貲乏同人餽贖
不受設教於鄉從遊者日衆著有還是讀書堂課藝及
四書集說十二卷母氏遺斷鍼滿篋集文人詠其事爲
斷鍼吟一卷兄雷以母喪死孝著有同懷寸草錄四卷

新

臧開士字化南江都人工制舉文辭旨華瞻乾隆三十
八年舉於鄉五十二年大挑得教職選青浦縣訓導致
致督課及其卒官青浦士哭而送之者數百人蓋開士
善誘勸人其未入官也爲黨塾師生徒極衆從其學者
多抵於成開士尤能立品取與之間一毫不苟故士心
愛慕如此 略節

韋佩金字書城江都人乾隆四十三年進士歷廣西蒼
梧縣暨懷慶馬平凌雲四縣嘉慶四年坐事謫戍八年
釋歸閉門養母教授生徒泊如也初選知縣時縣民凌

某控嫂因姦醜毒其兄嫂故非清白婦訊其兄實以痧病死檢驗得實乃以和姦論有啞民妻控妾將殺其夫羣兄弟証之無左驗佩金問妾去畱則啞民有田盧妾方娠羣兄弟與嫡謀陷之產可吞也乃反覆導其嫡嫡大感悟相持歸羣兄弟子杖妾生子曰韋保安平民控其子被婦因姦醜死詰其初死時情狀知非受毒者研訊婦婦據實告以春寒且內讞定論釋天久旱至是乃大雨佩金在官十年雪奇寃十數事抵戍後松湘浦將軍以新疆子弟之秀者命佩金爲之教授佩金於地理之學最深有伊犁總志纂略二卷地理指掌二十卷西

戍紀程三卷又有世系二卷舊治錄一卷今多散失惟

唐藩鎮考三卷尙存新

顧問字子裕高郵人父增光以詞章著輯江南領解錄二卷問承父學中乾隆四十五年解元嘉慶六年大挑揀發河南署夏邑縣篆七年宿州不靖堵禦永城調洧川修葺聖廟捐修節孝祠木主十三年補濬縣士民有心如皦日袖有清風之頌卒之日貧無以殮年六十二著有夏小正集解校正四書釋地已刊尙有存恥錄尙論集晚香詩鈔關聖帝君年譜岳武穆年譜稿俱成家傳

重修易州府志卷四十八終

